



APOORAA A TE MAU FAATERE-HAU PARAU HAAPAPA

Mahana maha, 25 no tiurai 2024

Ua putuputu te Faatereraa Hau i teie mahana toru nei. E i roto i te mau puta parau i uatapapahia, ua haamana o ia i te mau puta parau i mauri nei :

- MEF -	2
• Pûòhuraa no te mahana titorotororaa i nià i te faaravaàraa faufaa (JPE) faatahia no te totiare e te tautururaa (ESS) no te 27 tiunu 2024.....	2
• E tamau a te Hau Fenua i Ta na âpeeraa i te mau taiete nàinaì i te pae no te faahoturaa3	
• Haamauraa i te Pû e haapaò i te mau puta no te mau tapi-hooraa, te mau taiete e te mau faaauraa no te parururaa i te faufaa.....	3
• Te Moni hoo o te oraraa o te mau ùtuafare no te âvaè tiunu 2024.....	4
• Tapura no te mau Òhipa e te mau Paturaa Rarahi no te âvaè tiunu 2024.....	5
• Tapeà noahia te moni hoo o te mori ârahu i te 1 atete 2024.....	5
- MEE -	6
• Tauturu moni i te mau taatiraa no te hiroà tumu.....	6
• Faaotiraa mana no te tuuraa i roto i te faufaa tumu, i te « Tii haamanaòraa ia Pouvanaa a ÔOPA » i te motu no Tahiti e tei tâòtiàhia i te vahi ateatea e te nahonaho.....	7
• Faaotiraa mana no te tâòtiàraa i te tiàraa no te Pâ no Taravao tei tapaòhia ei faufaa tumu, motu no Tahiti, tâòtiàhia ei vahi ateatea no te faufaa tapaòhia.....	10
• Faaotiraa mana no te tâòtiàraa i te vairaa no te vahi i faataahia ei haamanaòraa i te feia i pohe i roto i te Tamaì Rahi, e tei tapaòhia ei faufaa tumu, i te Ôire no Papeete, i te motu no Tahiti, e tâòtiàhia ei vahi ateatea no teie faufaa tumu	11
- MSP -	12
• Te Tataùraa Horue no te Heiva Tuàro Nui 2024 : Haamaitaihia te mau arataìraa no te Èa	12
• Hiò faahouraa i te Ture Fenua no te àrora i te puhipuhiraa àvaàva.....	13
- MJP -	14
• Tauturu Moni i te mau Âmui-Tahiraa e te mau Taatiraa Tuàro e Feia Âpi.....	14
• E Iva feia Rima Î i titau manihinihia no te faaàteraa tauihaa i te hotera no Tetiàroa “The Brando” i roto i te faanahoraa “Polynesian artisans week”	15
• Faaàteàteraa Rima Î i te mau vahi mataitàraa o te Heiva Tuàro Nui i Atimaono e i Paòfai	16



- MEF -

Pûòhuraa no te mahana titorotororaa i nià i te faaravaïraa faufaa (JPE) faatahia no te totiare e te tautururaa (ESS) no te 27 tiunu 2024

I te mahana maha 27 tiunu 2024, ua tupu i te Fare Apooraa Rahi no Porinetia farani (AFP), te 3raa no te faanahoraa no te mau mahana Titorotororaa e Feruriraa i nià i te Faaravaïraa Faufaa, faataahia no te totiare e te tautururaa (ESS). Ua piri i te hanere mau tià o tei âmui mai, no roto mai i te mau Pû a te Hau, te mau taiete, te mau taatiraa, te mau âmui-tahiraa, e te mau mero no te Faatereraa Hau e te mau tià o te Apooraa Rahi, tei aratai maitehia i roto i teie nei tumu parau, ma te fanaò atoà i te mau parau e te mau manaò no roto mai i te feia àravihi o tei tià tatai-tahi mai i mua ia ratou i te roaraa no taua mahana faufaa rahi ra.

E mai te mea e aita a e aratairaa pàpû to te Faaravaïraa Faufaa totiare e te Tautururaa i Porinetia farani nei, te faufaa ra no te mau ôpereraa manaò e te hoêraa e vai mau nei i roto i te huru mau o te nunaa maòhi, ua faaòteu mai ia i te tahi mau hiòraa e te tahi mau òhipa no te tauturu i te feia haihai e te pàrururaa i te Arutaimareva. Te vai nei tahi mau raveà i te pae o te faufaa e tei vauvauhia mai e te mau Pû no roto mai i taua tuhaa ra : mai te Âmui-Tahiraa Anavai, te ADIE, te aratairaa “Initiative Polynésie française”, te Socredo, te Pû Faahoturaa a Farani (AFD).

Teie ra, no te tupu maitairaa no teie mau faanahoraa e mau ôpuaraa e ia vai hoì i roto i te tau, e mea titauhia ia te tahi âpeeraa i roto i te faanahoraa i te ôpuaraa, ia maramarama maitai te mea e titauhia ra e ma te horoà i te raveà tano e te pàpû maitai. E tià ia faahitihia i ô nei te aratairaa no te tauturu totiare na roto i te òhipa ìmiraa faufaa, i haamauhia na roto i te Ture Fenua no te 24 tenuare 2022, tei faahiò, i ô mai i te tiàraa òhipa, i te faaòraa i te taata i roto i te oraraa taatoà o te totaiete.

Ua faaite mai te tahi mau pû i te òhipa o ta ratou e rave nei : mai te taatiraa Hotuarea Nui, te taatiraa FACE e te taiete Jahia K, na reira atoà ia Food & Cook lab e te pû hiorà tumu Arioi o tei tuu, mai te ômuaraa mai a, i teie faanahoraa (ESS) i roto roa i ta ratou papa ture. E i te mau taime feruriraa i roto i te mau pupu, te tahi mau pû e haa nei i te pae no te haafaufaraa i te haari te taiete Auà Tahiti Coconut Bowl, i te pae no te hiroà tumu, te taatiraa Tahitian Historical Society, i te pae no te tauturu hoêraa e te taatiraa FACE, i te pae hoì no te ìmiraa faufaa na roto i te faahotu e te âi-tauraa e te taatiraa Te Torea, ratou paatoà tei faaite mai i ta ratou mau òhipa atoà.

Ua tapaò te Faatere Hau no te Faaravaïraa Faufaa, i te mau òhipa no te haamau i te parau no te ìmiraa faufaa i te pae totiare e tautururaa i Porinetia farani nei i roto i ta na tapura aratai òhipa. E i mua i te reira, ua titau o ia i te âpeeraa a te pû ìmiraa faufaa totiare e tautururaa a farani, ma te faataa e na te Pû no te Hoturaa Faufaa (ADE) e aratai i teie mau tapura òhipa. E tuu mai te AFD i ta na tauturu moni i roto i teie tuhaa faanahohia e te Hau Fenua.

I mua i te tautooraa faufaa roa o ta Porinetia e faaòhipa nei no te pahono, na roto i te mau Fa o te Faahoturaa Tuatau (ODD), te riro mau nei te ìmiraa faufaa i te pae totiare e tautururaa ei raveà pahonora a i te reira. E faufaa teie e vai nei i roto i te maòhi no te



faahotu i te Ìmiraa faufaa i te pae totiare e te tautururaa (ESS) i roto i to tatou fenua. Ua haapâpûhia mai te reira e te mau òhipa tei tupu e tei oti e te ravehia nei a, e tei vauvauhia mai e te mau taatiraa, te mau taiete òhipa, o tei âmui mai i taua mahana ra.

E tamau a te Hau Fenua i Ta na âpeeraa i te mau taiete nàinà i te pae no te faahoturaa

Na roto i te aniraa a te Faatere Hau o te Faaravaïraa Faufaa, te Tapura Faufaa e te Tereraa Faufaa, tiàau atoà i te mau Ito, ua faataa te Faatereraa Hau e pahono e pae mau aniraa tauturu i te pae no te mau tauihaa òhipa no te mau taiete nàinà (AEPE), na reira atoà ite tauturu no te faaitoito e te faaoraora atu a, i te mau fare toa nàinà e te mau fare tamaaraa (APCR).

Teie mau tauturu faataahia e te faanahoraa AEPE-APCR e amo ia i te mau haamauàraa no te hoo mai i te mau tauihaa òhipa e aore ia no te faanahonaho maitàraa i taratou vahi òhiparaa, ia tere atu a ta ratou mau ìmiraa atoà.

Te taatoàraa o te tapura moni i horoàhia tei nià ia i te faito e **11 940 000 F CFP** no te hoê tapura faahoturaa HTVA e **41 463 628 F CFP**.

No roto mai teie na taiete rii e too-pae i te tuhaa no te tapi-hooraa e e ôpua ra e ìriti e **6 tiàraa òhipa no te tau poto CDD e te tau roa CDI**.

Haamauraa i te Pû e haapaò i te mau puta no te mau tapi-hooraa, te mau taiete e te mau faaauraa no te parururaa i te faufaa

Mai ta na i haapâpû na, ua vauvau mai te Faatere Hau o te faaravaïraa faufaa i te ìrava ture e haamau i te Pû e haapaò i te mau puta no te mau tapi-hooraa, no te mau taiete e te mau faaauraa no te parururaa i te faufaa.

E riro te taima e piahia ai teie Ìrava ture i roto i te Veà a te Hau ei taima atoà e matara ai e puè tau e piti âvaè e horoàhia i te feia atoà e hinaaro e titau i teie nei tuhaa òhipa.

Ei haamanaòraa, te faataa maità nei te Ture Fenua no te 25 eperera 2023 i te arataïraa no teie tiàraa haapaò puta no te mau tapi-hooraa, te mau taiete e te mau faaauraa no te parururaa i te faufaa, e maitihia o ia i rotopû :

1. Te feia i tapaòhia, i te taima i tuu ai ratou i to ratou iòà, i nià i te tapura fariihia no te toroà terefie no te tiripuna no te tapi-hooraa piahia i te mau matahiti atoà i roto i te Veà a te Hau Repupirita farani ;

2. Te feia i maitihia na ei terefie no te tiripuna no te tapi-hooraa, ma te pahono atoà ra i te mau titaaraa i muri nei :

- Ei taata tiàraa farani e aore ia no roto mai i te mau fenua mero i roto i te Âmui-Tahiraa no te mau Hau no Europa



- Ei taata tei òre i faahapahia e te Ture no te mau peu tano òre i te pae no te turaraa, te mâ e te peu maità ;
- Ei taata tei òre i faautuàhia i te pae o te tiàraa òhipa, tatarahia te tiàraa òhipa, tiàvaruhia i ta na, faatuhaa taùehia, ìritihia ta na mau parau faatià.
- Ei taata o tei òre i ô i roto i te topatari, e aore ia, i roto i te ôpaniraa faataahia i roto i te ìrava no te ture o te tapi-hooraa e faaòhipahia nei i Porinetia farani nei.

Teie taata haapaò i te mau puta no te tapi-hooraa, te mau taiete e te mau faaauraa no te pârrururaa i te faufaa, e haamata o ia i ta na òhipa i te 1 tenuare 2025.

Ua tapaòhia teie tupuraa òhipa i roto i te tahi arataìraa no te faaòhieraa i te haamauraa i te mau taiete paèpaèhia e te Hau Fenua.

Te Moni hoo o te oraraa o te mau ùtuafare no te âvaè tiunu 2024

I te âvaè tiunu 2024, ua maraa te moni hoo o te oraraa i nià i te faito 0,1% e tei faaea i nià 110,86. Te tatararaa no teie maraaraa, tei nià ia i te pae o te utaraa (+4,3%) e te mau moni fare tarahu (te hopoià o te oraraa) fare faaearea (0,6%).

Ma te òre e taiòhia te tereraa manureva na te ara, ua vai noa ia te moni hoo i te âvaè tiunu 2024, e tei maraa e 1,3 % i na 12 âvaè i haerehia mai.

Te moni hoo atoà no te rave òhipa ua vai noa atoà i te âvaè tiunu 2024, âreà no na âvaè 12 i haerehia mai, ua maraa ia i te faito 1,2 %.

Mai te âvaè tiunu 2023 e tae mai i te âvaè tiunu 2024, ua maraa te moni hoo i te faito 1,2%. Ia faaauhia i nià i na 12 âvaè hopeà nei, tei nià ia i te faito +1,3% (ia au i te ISPF).

Te tatararaa no te maraaraa

Te maraaraa no te moni hoo o te oraraa i te âvaè tiunu ra, no roto mai ia o te maraaraa o te moni no te tereraa manureva (+5,6%) e te moni o te mau fare tarahu (âmuuhia te mau hopoià o te oraraa) (+0,6%).

I te tahi pae, ua topa ia te moni hoo o te mau pereoo (-1,2%). E noa atu ua maraa te moni hoo o te mau hotu moana i te faito e 4,7 % i teie âvaè, te moni ra o te maa ua iti mai ia 0,1% na roto i te toparaa te moni hoo o te ìò puaatoro (-2,5%) te mau maa tupu (-1,4%) e te mau maa hotu (-1,3%).

I nià i te moni fare tarahu, te maraaraa i ìtehia tei nià ia i te mau tute âitarahuraa tei faaòhia e tae noa atu i te faaâpiraa o te mau faanahoraa no te âitarahuraa na roto i te tauiraa o te taata tarahu. A taa noa atu i te reira, teie mau maraaraa i te ìtehia, ua faaauhia i nià i te ono âvaè. No reira, te maraaraa no te âvaè tiunu ra, e ô ia i roto i te mau maraaraa i ìtehia na i te âvaè tenuare e fepuare. I rapae aè i te moni fare tarahu, te moni hoo o tiunu tei nià ia i te faito 110,80 (èiaha ra 110,86).



Faaauraa o te moni hoo o te mau ùtuafare	Eperera 2024		Me 2024		Tiunu 2024	
	Farani	Porinetia farani	Farani	Porinetia farani	Farani	Porinetia farani
Te roaraa 12 âvaè	2,2	1,2	2,3	0,7	2,1	1,3

**Àpi tapiri : Parau a te Pû numeraraa (ISPF) - "Point conjuncture n° 7- juin 2024 :
IPC.**

Tapura no te mau Òhipa e te mau Paturaa Rarahi no te âvaè tiunu 2024

I te âvaè tiunu 2024, ua vai noa te tapura no te mau Òhipa e te mau Paturaa Rarahi i nià i te faito 132,68. E teie vai noaraa no roto mai ia i te âifaitoraa i rotopû i te maraaraa i te pae no te òhipa rau0,1% e te toparaa no te hoo o te mau tauihaa fare 0,1%. E i nià 12 âvaè, ua topa te moni hoo o te mau òhipa e te mau Paturaa Rarahi 0,4%.

I roto i te patura, ua topa te tuhaa o te mau òhipa teimaha i te 0,1% e te mau òhipa tanotano noa tei maraa 0,1%. I nià i te 12 âvaè, te moni hoo âmui o te paturaa tei topa 0,6%.

I roto i te mau òhipa a te Hau, te tapura no te mau raveà taa ê tei maraa 0,1% âreà no te mau òhipa àravahi tei topa 0,4%. I nià i na 12 âvaè, te tapura âmui no mau òhipa a te Hau tei topa e 0,2% (parau no roto mai i te ISPF).

**Àpi parau tapiri : Parau a te Pû numeraraa (ISPF) – Point conjuncture n°7 – juin
2024 : BTP.**

Tapeà noahia te moni hoo o te mori ârahu i te 1 atete 2024

Ua maraa te moni hoo o te mori ârahu, paèpaèhia e te rahi no te mau aniraa, e te taeraa mai no te tau mahanahana. Oia mau, ua topa te faito i roto i te mau farii haaputuraa mori ârahu, i roto i te mau Pû haaputuraa atoà o teie nei ao, tapaò faaite no te maraaraa te mau aniraa mori, e ia au i te parau haapapa taâvaè a te Opep, te âmui-tahiraa no te mau fenuae tapi hoo nei i ta ratou mori ârahu, e riro a te reira i te maraa atu a i teie matahiti 2024.

I Porinetia farani nei, te moni hoo o te ritera mori i te vahi titôraa tei nià ia i te **155 F CFP**, âreà i te fenua Taratoni **168,6 F CFP**, e i Farani tei nià i te faito **222 F CFP**.

I mua i teie mau numera, ua faaoti te Faatereraa Hau e tapeà noa a i te moni hoo o te mori ârahu i nià a i to na faito i teie mahana, no teâvaè atete 2024.



- MEE -

Tauturu moni i te mau taatiraa no te hiroà tumu

Na roto i te aniraa a te Faatere Hau o te Haapiiraa, te Haapiiraa teitei, e o te hiroà tumu, ua haamana te Faatereraa Hau e horoà i te tauturu moni no te mau faaòhiparaa e te faahoturaa, i te mau taatiraa no te hiroà tumu, no te hoê faito e **3 837 282 F CFP**.

Ua tuhahia teie mau tauturu moni mai teie i muri nei :

Taatiraa	Tauturu moni e te moni horoà	Te Faito
Te Ana vaha rau no Tahiti e te mau motu - Te Fare Imanaha	Tauturu moni faataahia i te pae no te faahoturaa no hoo mai i te mau tauihaa rau no te haaputuraa e te tiàauraa te faufaa a te Fare Iamanaha no teie matahiti 2024	1 000 000
Te Anavaha rau no Tahiti e te mau motu - Te Fare Iamanaha	Tauturu moni faataahia i te pae no te faahoturaa i te mau òhipa no te haamaità e te faaòhie te haereraa no te feia huma	2 500 000
Taatiraa Tamariki Paeua Nui	Taurutu moni faataahia no ta na tereraa òhipa	200 000
Tahitian Historical Society	Tauturu moni faataahia no te tereraa òhipa a te taatiraa	500 000
Tamariki Paeua Nui	Tauturu moni faataahia no ta na tereraa òhipa	312 889
Tahi Tumu	Tauturu moni faataahia no ta na tereraa òhipa	300 000
Tahiti New Talent	Tauturu moni faataahia no ta na tereraa òhipa	800 000
Taatiraa no te mau òhipa	Tauturu moni faataahia no ta	



taa ê, no te hiroà, e te haapiiraa teata taata ora	na tereraa òhipa	756 748
Manava tupu no Huahine	Tauturu moni faataahia no ta na tereraa òhipa	567 645
Te Haa Nui	Tauturu moni faataahia no ta na tereraa òhipa	400 000
ÂMUIHIA		3 837 282 F CFP

Faaotiraa mana no te tuuraa i roto i te faufaa tumu, i te « Tii haamanaòraa ia Pouvanaa a ÔOPA » i te motu no Tahiti e tei taôtiàhia i te vahi ateatea e te nahonaho

I te 10 Me 1982, te mahana haamanaòraa i te fanauraa o te *Metua*, i âvarihia ai te “Tii haamanaòraa ia Pouvanaa a OOPA”, e vai nei i Tarahoì, i Papeete. Tei nià i te hinaaro o te pupu poritita ra o te Here Âià, tei fâ mai mai roto i te pupu “Rassemblement Démocratique des Populations Tahitiennes” (RDPT), te taata tarai tii ra o “Georges OUDOT, tuiroo i te òhipa tarai tauihaa, tei maìtihia na no te tarai i teie tii ia au i te hohoà o Pouvanaa a OOPA. Ua haamauhia i nià i te tahi papa timâ, turuhia i e too-piti nau pou no te teiteiraa e 3 metera, tei riro i teie nei ei hohoà iite maitàhia i te tahua no Tarahooì.

E taata tumu o Pouvanaa a OOPA no Huahine, e tei faarirohia ei metua no te oraraa poritita i teie tau. Ua riro na o ia ei faèhau i te tamaì rahi matamua, ua ô atoà na o ia i roto i te nuu no Farani Tiàmâ, i te piti no te Tamaì Rahi. Na ta na mau faahaparaa i te faatereraa a farani, i arataì i to na tuuraahia i roto i te hiòpòraa i Huahine i te matahiti 1942.

Ua riro te tau no te Tamaì Rahi, ei taime i tiàtià mai ai te mau pupu i hinaaro i te faataa êraa i roto i te mau fenua no te ara moana farani e te Apooraa Rahi i “Brazzaville” i te matahiti 1944 ra, i haamata ai te parau no te faataa êraa i roto i te poritita âi fenua a te Hau Farani. E i te matahiti 1946, ua faataa te IV raa o te Repupirita e horoà i te tiàraa farani i te taatoàraa o te mau maòhi ma te haamau i te mau Apooraa Mana maìtihia e te taatoàraa. Riro mai ai te mau Pû a Farani i Ôteania nei ei mau fenua no te ara-moana, tei ìriti i te tahi tau âpi i te pae no te oraraa poritita i Porinetia nei.

I taua matahiti noa ra â, ua riro te hoìraa mai no te mau faèhau no te “Bataillon du Pacifique” ei taime i pâpû atoà ai te mau umeumeraa, na roto ia i te tae pinepineraa mai no te mau tià òhipa no Farani e tae noa atu i te mauruuru òre i ìtehia i roto i te tiàauraa i faufaa a te nunaa. E ei pahonora, ua haamauhia te Âmui-Tahiraa no te mau Faèhau Tahito, no te titau



e ia faatitiâfarohia te arataïraa i roto ite faatereraa hau e ua haamau atoàhia te Tomite Pouvanaa, no te faatià i te hoê pupu poritita i roto i te mataèinaa tatai-tahi ma te haapâpû e “Tahiti namua e no te taata Tahiti”.

I te matahiti 1949, ua mana mai o Pouvanaa a OOPA ei ìriti Ture no te HauFarani. I te 17 novema 1949, ua âmui hoê te Âmui-Tahiraa no te mau Faèhau Tahito e te Tomite Pouvanaa ei pupu hoê a riro mai ai ei “Rassemblement Démocratique des Populations Tahitiennes (RDPT). O te RDPT te pupu poritita matamua roa peretitenihia e Pouvanaa a OOPA. I haamata atoà ai te *Metua* i te hoê tau poritita roa roa ma te farerei tamau e te ora roa i roto i te nunaa maòhi. Te Reo Maòhi anaè ta na i faaòhipa no te tauà-parau e te nunaa, ma te faaòhipa i te mau hiòraa ia au i ta te Pipiria faahitiraa.

I te matahiti 1958, ua poro na o ia i te faataa êraa rû na roto i te hoê uiuiraa manaò, teie ra, o te “E” tei titau e ia vai noa o Porinetia i roto i te Repupirita Farani, tei manuia mai. I te matahiti 1959, ua parihia o ia i te tâninaraa ia Papeete, e ua faautuàhia i te tahi utuà teimaha, ua faatiàmahia ra o ia e te tenerara DE GAULE i te matahiti 1968. Ua riro mai o ia ei Too-fa i te matahiti 1971 e ua faaruè mai o ia i te matahiti 1977, e ono (6) âvaè hou te otonomi o Porinetia farani.

I te matahiti 1988, ua faatae to na ôpu fetii i te tahi aniraa e ia hiò faahouhia te haavaraa o Pouvanaa, teie ra, i te matahiti 1993, ua tuuhia teie parau ei parau hope. I te matahiti 2014, te Faatere Hau no te Ture o Christiane TAUBIRA, tei tuu i te tahi aniraa i mua i te tomite hiò-faahouraa. I te matahiti 2016, i roto i te hoê tere no na i Porinetia nei, to te Peretiteni o te Repupirita farani, o François HOLLANDE tiàraa atu ma te faatura i mua i te menema o Pouvanaa a OOPA. Tei te matahiti 2018 roa to te Ture fariiraa e, e aita roa atu e hara ta te *Metua* i rave, e ma te tûmâ roa i te faaotiraa i ravehia i te matahiti 1959.

Te tuapaparaa i ravehia i te 10 tiurai 2023 ra e te faatereraa no Pû o te Hiroà Tumu e te Faufaa Tumu (DCP), tei haapâpû mai e, aita i rahi roa te te fifi o teie tii, e mea au noa ra. Taa ê noa atu ra te reira, e mea vai maitai ra i te mau raveraa a te aru mai te mau remu e aore ia te mau tarià îore. Te mau faareporaa faatupuhia e te tau, te viivii o te reva e te tûtae o te mau manu e ìtehia ra i nià i te tahi mau tuhaa o te tii. Te ìte atoàhia ra te tahi mau tapaò e ua tahito te peini, i te raro ihoa ra, ua mataratara te peini. Ua ìte atoàhia te mahi âfâfâ i nià i te mau patu àti aè teie vahi, tei tatai noahia i te timâ, te òre roa e au i te raveraa tumu matamua e tei faaïroiro i te taatoàraa o teie faanahoraa. **I mua i te reira, e noa atu e mea au noa te mau tataïraa, e mea faufaa roa ra e ia haapaòhia te reira tapura òhipa e te hoê taata àravahi i te pae no te haamaitairaa i te mau òhipa e te mau paturaa tahito.**

Auaè maoti teie tapuraraa, e tià ai ia parauhia e, e riro mau a te mau haamaitairaa i te tuàti i te mau tohuraa i horoàhia mai e te DCP.

Te vahi i raro e paaèpaè nei i teie paturaa, o te tahi papa meùmeù poro maha faanahohia mai te tahi taoà oeo e au ei parahiraa (e toru tau tuhaa. Na taatiraa e toru, mai raro atu i te repo, tei nià i te faito e 25, 30 e 45 cm. Te vahi i raro, ua faateiteihia ia nià i te 1 m. Ia hiòhia mai na nià, o te hoê ia hohoà ôrapa maha, e 4 m i te roa e e 3,25 m i te âano. Te taahiraa matamua, tei nià ia i te faito e 4 m e e 3,25 m i te âano. Te piti, e 2,9 m te roa e e 2,15 m te âano e te toru e te taahiraa hopeà, e 2,2 m te roa e 1,6 m i te âano. E mea tià atoà ia faahitihia e te vai ra te hoê faanahoraa taa ê i mua i teie vahi i raro. I na taahiraa too-piti



matamua, te ìtehia ra te tahi âpaparaa piriti e tae noa atu i te tahi âpaparaa ìrìiri no te tahatai.

Na tapaò too-piti, haamanaòraa i te oraraa o te *Metua*, hoê i te pae âui na roto i te *reo tahiti* e te tahi i te pae âtau na roto i te reo farani, ua haamauhia ia i nià i te mau papa e vai ra i nià i te taahiraa matamua, i mua mai i teie paturaa. Na papa too-piti e 0,95 m i te teitei, 1,50 m te roa e 0,30 m i te meùmeù. Na tapaò ôfai, ua tapirihia ia i te mau papa e 4 naero e tapeà ra i te reira.

Te mau papaì, ùoòu, aita ia e ohìpa fifi i ìtehia, aita atoà e faatoreraa peini ê atu, e aore ia te tahi faanahoraa taa ê atu. I te vahi teitei o teie tuhaa i raro, ua faatiàhia ia e piti na pou rarahi no te hoê teiteiraa e 3 m, faahohoàhia i na tuhaa “ôrapa maha -òpa”. E mea rarahi mau na pou e aita i faaùnaùnahia, e mea faaòpahia i rapae, e te haamahorahora maitaì i teie paturaa e tae noa atu i te hohoà tii i nià i to na vairaa.

Te vairaa, e mea meùmeù e aita i faaùnaùnahia, te faaìte noa mai ra ia i te tahi tuhaa tei ôomohia i rotopù i na pou too-piti e te tahi tuhaa i rapae te reira te haamauraa-hia te hohoà tarai. E 0,60 m te roa e 0,25 m i te teitei.

Te hohoà tarai, ei haamanaòraa ia Pouvanaa a OOPA, e hohoà e haere tià i te ôuma, e to na pae âui i paohia i raro. E 0,90 m to na teitei, 1 m i te âano (i nià i te ôuma) e 0,35 m te itiraa i nià i te tuhaa o te mata.

Te ôpuaraa e tuu i “te tii haamanaòraa ia Pouvanaa a OOPA”, e òhipa faufaa mau, i roto i te faanahoraa faufaa tumu haamanaòraa i ta na àroraano te maitaì o te nunaa maòhi. Hau roa atu, to na tiàraa taataa, to na huru o ta na i faaìte ei *Metua* e to na here i te nunaa maòhi, te tauturu maitaì ra ia tapaòhia i roto i te faufaa tumu, e tei haamaitaì te tiàraa teitei o teie taata maòhi.

E mea tano ia haamauhia teie nei tapaòraa, i nià i te papa no te Ture Fenua no te 19 novema 2015 ra tei haamau i te ìrava ture no te faufaa tumu a Porinetia farani ma te haapâpù i te parau e vai ra i roto i ta na puta VI ia au i te mau paturaa tahito, te mau tuhaa fenua e vai paruruhia, na reira atoà hoì i te faaotiraa ture a te Faatereraa Hau no te 25 Eperera 2016 ra no te tuhaa faaturehia no te puta VI o te ìrava ture no te faufaa tumu a Porinetia.

I te 6 me 2024, ua farii te taatoàraa o te tomite faufaa tumu, e faanaho nei i te faaineineraa no te paturaa tahito, ia tapaòhia teie nei paturaa i roto i te faufaa tumu. Na roto i te hoê rata no te 8 atete 2023, ua faarahia te tavana no Papeete, fatu no teie tuhaa fenua AE n° 4, i teie nei ôpuaraa e ia tapaòhia teie nei paturaa i roto i te faufaa tumu, e ua haapâpù mai o ia i to na manaò farii na roto i ta na rata no te 30 no atete 2023.

Teie nei ôpuaraa ture te faataa atoà nei ia i te taòtiàraa no teie nei vahi “no te tii o Pouvanaa a OOPA” e te nahonahoraa no teie faufaa e tapaòhia nei.

Inaha, te pene LP no te ìrava ture no te faufaa tumu a Porinetia farani, te faataa atoà nei e te mau tuhaa atoà e vai i te vahi nahonaho o te hoê faufaa tumu, e òre roa te hoê paturaa âpi e fariihia, e òre atoà hoì te mau tâpûraa raau, e ore atoà te tauraa e te faahuru êraa o te riro i te haafifi i teie faufaa, mai te peu e aita e parau faatià na te Pù e tiàau nei i te mau faufaa tahito.



No te haapâpûraa e, tei roto i te vahi nahonaho no te faufaa tapaòhia, e mea titauhia e ia ìtehia mai te fare e hinaarohia e faatià mai teie atu faufaa tapaòhia, aita ra, ia ìtehia teie na òhipa e piti atoà ra.

E mai te peu e aita e taòtiàraa, e mea titauhia ia te hoê vahi âano maitaì no teie vahi nahonaho, tei tano i nià i te faanahonahoraa no te mau tuhaa fenua tâpiri, e te òre e titauhia te parururaa o teie faufaa tapaòhia.

Faaotiraa mana no te tâòtiàraa i te tiàraa no te Pâ no Taravao tei tapaòhia ei faufaa tumu, motu no Tahiti, tâòtiàhia ei vahi ateatea no te faufaa tapaòhia

Patuhia i te matahiti 1844 ra, ua riro na te Pâ no Taravao, i te ômua roaraa, ei Pâ no te nuu tei faaòhipahia na i te tau no te tamaì i rotopû i te nuu farani e te maòhi, e i muri mai ei fare tapeàraa e ei fare maì hou a farii ai i te nuu faèhau no te IMAP. Ua haamatahia to na paturaa i te matahiti 1844 ma te faaòhipahia e tae atu i te matahiti 1848.

I te matahiti 1952 ra, i haamanahia ai te tapaòraa i te Pâ no Taravao i roto i te faufaa tumu na roto i te hoê Faaotiraa Mana no te 23 tiunu 1952. E mea tià atoà ia parauhia e, aita te ôtià o te âua o te Pâ i haamanahia i taua tau ra. Mai te matahiti 2011 ra, aita teie Pâ i faaòhipa faahouhia e hoê no na tiàraa tei òre.

Tapaòhia i roto i te tahi faaâpiraa rahi, ua faataahia e piti huru âua tei haamauhia no te pâururaa i teie Pâ.

Te faanahoraa matamua, ua âpee maitaì ia i te mau ôtià no te âua metua o teie Pâ. Ârèa i te piti, e mea huru âano aè, e te tâòtià atoà i te tuhaa ateatea o teie faufaa tapaòhia.

Oia mau, te haapâpû maitaì ra te ìrava LP no te faatureraa o te faufaa tumu i Porinetia farani e, te mau tuhaa fenua atoà i mua i te tahi faufaa i tapaòhia, e òre ia e tano ia patuhia te tahi òhipa âpi i nià iho, e òre atoà e fariihia ia tapû i te raau, e òre e tano ia tauihia e ia faahuru êhia teie vahi e o te riro i te faahuru ê i te huru o teie faufaa i tapaòhia, mai te mea e aita e parau faatià na te Pû e tiàau nei i te mau faufaa tumu.

No te ìte pâpûraa e tei roto teie tuhaa i te vahi e ìtehia ateahia ai teie faufaa i tapaòhia, e mea titauhia e ia ìtehia mai teie tuhaa mai nià mai i te vahi e tiàhia ra e teie faufaa i tapaòhia e aita ra, ia ìtehia raua too-piti atoà ra.

Mai te mea e aita e taòtiàraa, e riro teie vahi ateatea ei tuhaa âano atu a, e o te riro i te faahuru ê atoà i te mau fenua tapiri, e te òre e hinaarohia no te parururaa i teie faufaa i tapaòhia.

Ua tuuhia atu teie parau ii mua i te tomite no te faufaa tumu, o tei horoà mai i to ratou manaò farii i te rururaa o tei tupu i te 6 me 2024, ia tâòtiàhia te tuhaa ateatea, no te faaiti mai i te âua pâururu, i te faito tano noa.



No reira, teie ôpuaraa ìrava ture, te hinaaro nei ia e faaau i te tuhaa ateatea na roto i te tahi âua pâururu no te atearaa 100 metera àti aè te Pâ no Taravao.

E te âua i tâòtiàhia, tei nià ia i te tapura fenua tapirihia i te ìrava ture o te faataehia atu ei parau faaara i te faatereraa no te Paturaa e te Faanahonahoraa (DCA) e i Te Fenua (DAF).

Faaotiraa mana no te tâòtiàraa i te vairaa no te vahi i faataahia ei haamanaòraa i te feia i pohe i roto i te Tamaì Rahi, e tei tapaòhia ei faufaa tumu, i te Ôire no Papeete, i te motu no Tahiti, e tâòtiàhia ei vahi ateatea no teie faufaa tumu

Haamauhia e te tavana rahi ra o Jocelyn ROBERT i te matahiti 1923, teie vahi i faataahia ei haamanaòraa i te mau tamarii maòhi tei pohe i nià i te tahua àroraa i te Tamaì Rahi ra, ua âvarihia ia i te 14 tiurai 1923. Teie tii e òhipa na te taata tarai ra o Hippolyte-Marius Galy.

Tapaòhia i roto i te mau òhipa o te faufaa tumu na roto i te hoê faaotiraa mana no te 23 tiunu 1923 ra, ua faanuunu noahia na teie tii e rave rahi taime : i te matahiti 1956 ra, no te faaòhie te tereraa i nià i te purumu, i muri mai , i te matahiti 2001, hou a vai mai ai i nià i to na vairaa i teie mahana mai te matahiti 2003 mai. E aita i maoro roa aè nei, ua ravehia te faaâpiraa i te taatoàraa o teie tii e Philippe PLISSON.

I teie mahana, te ô nei teie tii no te feia i pohe i te Tamaì Rahi i roto i te hoê ôpuaraa rahi no te faaâpiraa e haafaufaaraa faanahohia e te Pû faatereraa no te Hiroà tumu e te Faufaa Tumu (DCP).

Te vahi e tiàhia e teie tii, tei te tahi vahi moèmoè ia e te nahonaho òre. Ua faatahia e ia papai faahouhia te mau ià e vai ra i nià i te mau àpaàpa, na reira atoà i te ìritiraa i te tahi "code QR" no te faaòhie i te mau maìmiraa parau.

I roto i teie ôpuaraa faaâpiraa e haafaufaaraa e faanahohia nei, ua manaòhia e tâòtià i te vairaa no teie tii haamanaòraa i te feia i pohe i roto i te Tamaì Rahi e to na vahi ateatea.

Oia mau, te haapâpû maitai nei te ìrava LP no te faatureraa o te Faufaa tumu i Porinetia farani nei, e te mau tuhaa atoà i mua i te tahi faufaa tumu i tapaòhia, e òre roa ia e tano e ia patuhia te tahi faanahoraa âpi i nià iho, e òre atoà e fariihia e ia tâpûhia te mau raau e vai ra i nià iho, e òre atoà e tano ia faahuru êhia e aore ia ia tauihia te huru o teie vahi, o te riro te reira i te faahuru ê atoà i te huru o teie faufaa tumu, mai te mea e aita e parau faatià na te faatereraa o te Pû e tiàau nei i te mau faufaa tumu.

No te ìte pâpûraa e tei roto tei tuhaa i te vahi e ìte ateahia ai teie faufaa i tapaòhia, e mea titauhia e ia ìtehia mai teie tuhaa mai nià mai i te vahi e tiàhia ra e teie faufaa i tapaòhia e aita ra, ia ìtehia raua too-piti atoà ra.

E mai te mea e aita e taòtiàraa, e riro teie vahi ateatea ei tuhaa âano atu a, e o te riro i te faahuru ê atoà i te mau tuhaa fenua tâpiri, e te òre e hinaarohia no te parururaa i teie faufaa i tapaòhia.



Ua tuuhia atu teie parau i mua i te tomite no te faufaa tumu o tei horoà i to ratou manaò farii i te putuputuraa no te 6 me 2024, ia tâòtiàhia te tuhaa ateatea no te faaiti mai i te âua pâruru, i te faito au noa.

E te âua i tâòtiàhia, tei nià ia i te tapura fenua tapirihia i te ìrava ture o te faataehia atu ei parau faara i te faatereraa no te Paturaa e te Faanahonahoraa (DCA) e i te Pû Te Fenua (DAF).

- MSP -

Te Tataùraa Horue no te Heiva Tuàro Nui 2024 : Haamaitaihia te mau arataìraa no te Èa

I roto i te faanahoraa no te mau tataùraa horue no te Heiva Tuàro Nui no Paris 2024, e tupu atu i Teahupoo, te taatoàraa no te mau Pû òhipa a te Hau e tiàau nei i te parau no te Èa tei titauhia no te mata ara, no te faaara, no te arai e no te hiòpoà i te mau fifi o te Èa o te riro i te tupu noa mai i roto i teie rururaa rahi no te nunaa.

Te mau haamanaòraa e te mau faaararaa i te pae o te Èa ei arairaa i te tupuraa, e aore ia, te ôraa mai te tahi mau mai taa ê, ua horoàhia atu ia te reira mau parau i roto i te rima no Paris 2024, no te faatae atu i roto i te mau tià atoà o te mau fenua e ô i roto i teie tataùraa rahi.

I Tahiti nei, te haamaitaìraa atu a i te hiòpoàraa i te Èa e te tupuraa o te mau mai pee, e haapaò maitehia te reira i te roaraa no teie tataùraa, i te pae ihoa ra no te tiro tiro o te "Dengue", te tovi, te fiva reàrèa e te "oropouche".

No reira, ua haamauhia te tau araraa e tialraa na te mau taote no te Pû no te Èa a te Hau, faatuàtihia i te Pû faatereraa òhipa a te nuu e te Tomitera-teitei, i roto i te mau piha òhipa a te IFREMER, te haamau atoàhia no te roaraa o te tataùraa. Te Fâ, no te pahono e te faaòhie i te arairaa i te mau tupuraa mai rau, ma te faatuàti i te mau Pû òhipa no te arairaa àti e te Pû arai i te pae no te Arutaimareva (CSE) e te Faatereraa no te Èa.

Tei roto te CSE i te tautooraa e te haapaò tameraa i te mau mai, i te fifi ihoa ra ia tupu rahi noa atu te mai dengue e te fifi mai e ô mai i te fenua nei, mai te fiva reàrèa anei. Na roto i te raveà e te tauturu a te Ôire no Taiarapu tooà o te Râ, ua ravehia te mau pâmuraa râau no te faaòre i te mau ôfaaraa naonao i te 10, 11 e 15 no tiurai i maìri aè nei, i Vairaô e i Teahupoo.

No te pâruru i te nunaa e noho ra i reira, e rave â te mau tià o te Èa i te taatoàraa o teie mau faanahoraa i muri aè i te mau tataùraa o te Heiv Tuàro Nui.

Taa noa atu ai i te tahi atu mau tupuraa mai o te riro i te ìtehia atu, i te pae anei o te mâa, tei roto atoà te reira i te mau hiòpoàraa e mata araraa a te Pû arairaa Arutaimareva.

No reira, no te pupu taata tei parauhia "cible prioritaire", mai te mau maòna, te mau pupu



no rapae mai, te mau papaï veà, te pupu òhipa àravahi, te pupu arai e tauaro, na reira atoà i te feia rave òhipa, te feia tauturu e òhipa i nià i te mau vahi faataahia no te teie tataùraa, te mau taiete òhipa i te pae no te raveraa e te hooraa mâa, ua maïtihia ia e te mau tomite e faatupu nei i teie mau tataùraa. Ua tapaòhia ratou i roto i te CSE, ua hiòpoàhia ratou i te pae o te Èa no te haapâpû e te mau raveà no te arairaa i te fifi i te pae o te maa, te maitaï ra.

No te taatoàraa o te nunaa, ua faanahoohia te mau tereraa òhipa atoà ia au i te fifi e tupu noa mai. E toru tau tuhaa e te mau vahi mataitàraa tei tapaòhia : Taiarapu tooa o te Râ, Papara e Papeete. Ua faatae atoàhia te mau faaararaa e haamanaòraa i te mau vahi hoohooraa piri i teie mau vahi e putuputu rahi ai te taata, na te reira atoà i te mau fatu fare tiurai, ia ara e ia faatura i te mau raveà arairaa e pâururaa i roto anei i te faaineineraa maa e na reira atoà i te taime no te hooraa. E riro a teie mau vahi e teie feia i te farereihia e te haamanaòhia i te roaraa no te tataùraa, ia ineine noa no te araira i te fifi e tupu noa mai.

Hiò faahouraa i te Ture Fenua no te àrora a i te puhipuhiraa àvaàva

Tei roto te Faatereraa o te Fenua i te tautooraa rahi te pâruru i te Èa o to na nunaa i mua i te fifi o ta te òhipa puhipuhi àvaàva e faatupu.

I roto i te reiraa tautooraa, te hinaaro nei te faaterera hau no te Èa e hiò faahou i te Ture faaauhia no te àvaàva ma te hiò atoà i te parau no te àvaàva uira, ia riro ei mau òhipa o te òre noaa òhie noa, e ma te faaiti atoà i te fifi no te hinaaro rahi, i te pae ihoa ra no te feia âpi.

Mai te matahiti 2018 mai, te rahiraa no te mau poroïraa i roto i te hiòpoàraa a te mau mutò òtià, tei roto atoà te àvaàva uira, ua tataï 5. Na roto i te tuuraa atoà i te faatureraa i nià i teie mau òhipa âpi, ma te faaiti i te mau fifi faatupuhia na roto i te raveraa i teie mau taoà âpi, te hinaaro nei te huimana e haamaitaï atu a i te àrora a i te puhipuhiraa àvaàva i Porinetia farani nei.

Faatureraa e arataïraa âpi

No te âuahaati maitaï i te parau o te àvaàva e te àvaàva uira, te titau nei te faatureraa âpi ia :

. Ia faaitihia te mau taoà no te àvaàva uira, ma te ôpani i te mau faanahoraa faaòhipahia no te hoê noa taime, ma te faaiti atoà te mau raa faanoànoà fariihia.

. Faahepo te pûòhuraa ma te òre e tuu i te tahi hohoà.

. Faaiti te puai no te raa nicotine o teie mau taoà na reira atoà i te rahi o te mau farii e te mau raveà faaïraa, no te faaiti i te fifi na roto i te faaòhiparaa.

. Hiò faahou i te faatuteraa o te àvaàva.

. Titau i te patana no te poroïraa, te hamaniraa e te hooraa i teie mau taoà.

. Àrora a i te mau raveà hooraa a te feia e hamani nei i te mau taoà o te àvaàva e faaiti i te faatianiraa i teie mau taoà.

. Faataa i te mau vahi taa ê no te puhipuhiraa i teie mau taoà.

E riro teie mau arataïraa e haamauhia ei hiòpoà hohonu atu a i te matete ma te haapâpû i



te pârururaa i te feia puhipuhi àvaàva. Eriro atoà i te tauturu i te huimana i te âpeeraa i te feia hoo taoà i roto i teie ìmiraa raveà ia faatura i te mau faanahoraa i haamauhia.

E riro atoà te tahi mau hiòpoàraa e te mau faautuàraa i te faanahohaia, no te âuahaati maità i teie tuhaa òhipa, ia faaturahia teie faatureraa e te arairaa i te haapaò òre.

Faanahoraa no te faatureraa e te farereiraa

Ua faanhohia teie ôpuaraa ture ma te âpiti atoà mai te mau Pû òhipa a te Hau Fenua. Te tupu noa ra te puè tau farereiraa taa ê ma te âmui te tahi mau tià pâpû no te pae faaravaàraa faufaa, to te Èa e tae roa atu i te hopeà no te àvaè atete no te haaputu mai i to ratou manaò. E riro teie Ture âpi i te faaòhipahia i te ômuaraa no te matahiti2025.

No te mau haamaramaramaraa hau atu a niuniu atu i te Faatereraa o te Èa (DS) : 40 46 61 79 – 40 46 61 83. Rata uira : communication.dsp@administration.gov.pf

- MJP -

Tauturu Moni i te mau Âmui-Tahiraa e te mau Taatiraa Tuàro e Feia Âpi

Na roto i te aniraa a te Faatere Hau no te Tuàro, no te feia Âpi, no te Arairaa i te mau òhipi ìino e tiàau atoà i te Rima Î, haamana te Faatereraa Hau e faataa i te mau tauturu moni i te pae o te faaòhiparaa, i te mau mau Âmui-Tahiraa e Taatiraa Tuàro e Feia Âpi, no te hoê faito e **14 490 000 F CFP**.

Ua faataahia te mau Tauturu Moni mai teie i muri nei :

Taatiraa e Âmui-Tahiraa Tuàro – Faanahoraa âmui	
Âmui-Tahiraa Tau-toru no Tahiti	2 200 000
Âmui-Tahiraa poti taè no Tahiti	2 200 000
Âmui-Tahiraa Faahoro popo no Porinetia	2 850 000
Âmui-Tahiraa Moto no Porinetia Farani	1 650 000
Taatiraa Pahi taè no Raiatea	350 000
Taatiraa Tamarii Haumaru	300 000
Taatira Centre Nautique no te Ôoà no Phaetan	400 000
Taatiraa Tuaiva Nui	400 000
Taatiraa Team Bora Bora Vaa	200 000
Taatiraa Tamarii Taravao	400 000
Taatiraa District de Vaa deBora Bora	600 000
Taatiraa Te Hau Nui no Moorea	200 000



Taatiraa Feia Âpi no Fiti		400 000
Taatiraa Maòna no te Feia Âpi no Makemo		300 000
Taatiraa Haapiiraa Vaa Tâle no Arue		950 000
Taatiraa Feia Âpi no te tahi mau ôpuaraa taa ê		
Taatiraa Tahiti Judo Discovery	Te Amuraa i te mau faanahoraa òhipa i te Tau Faaearaa Haapiiraa, i nià i te Tumu Parau no te Èa	500 000
Taatiraa no te Feia Papaì, Faanahonaho e Fatu parau no Porinetia	Faatupuraa i te mau Farereiraa i nià i te Tumu Parau no te Papaì e te Faanahonahoraa.	200 000
Taatiraa Toà Hiine Spearfishing	Te Amuraa e 5 Tuhaa Faaineinraa no te mero e te Feia e fanaò i te mau Tereraa Òhipa a te Taatiraa	390 000
TOTAL		14 490 000 F CFP

E Iva feia Rima Î i titau manihinihia no te faaiteraa tauihaa i te hotera no Tetiàroa “The Brando” i roto i te faanahoraa “Polynesian artisans week”

L'hôtel Te hotera pae fetià no Tetiàroa, *The Brando*, âpitihiia e te piha òhipa no te Rima Î – *Te Pû òhipa rima î*, o te fariie iva nau feia rima î i roto i te faanahoraa “*polynesian artisans week*” mai te 9 -16 atete 2024 i roto i taua hotera ra.

No te reira tereraa òhipa, ua ani te Pû Òhipa e iva feia rima î, maìthia no to ratou àravahi i roto i ta ratou tuhaa òhipa tatai-tahi e te maitai no ta ratou mau òhipa i hamani. Te tiàraa no te ìte o te mau taha motu tei hiò atoàhia :

To te henua Enana/Enata :

- **Sarah VAKI**, vahine faaineine i te mea hinaarohia no te tapa – Fatu- Hiva ;
- **Firmin TIMAU**, nanaò i nià i te râau e te ivi – Tahuata ;

To te tuhaa 5 :

- **Yaera TeFAAFANA**, Rima î àravahi i te pae o te pae òre, e tià faaineine, *Ihi rima î maòhi* – Rimatara ;
- **Vainui BARSINAS**, Rima î àravahi e tià faaineine, *Ihi Rima î maòhi*, àravahi i te pae no te àèho Rapa ;

To te Tuamotu-Maareva :

- **Tevahine TEARIKI**, rima î àravahi e tià faaineine, *Ihi rima î maòhi*, àravahi i roto i te



faaineineraa i te pae o te niàu ùòò e te reva reva -Nukutavake ;

- **Mareva ORBECK**, rima î àravahi e tià faaineine, *Ìhi rima maòhi*, àravahi i te pae no te mau tauihaa faanehenehe tumu ;

To te Totaiete :

- **Heremoana BUCHIN**, rima î àravahi e tià faaineine, *Ìhi rima î maòhi*, àravahi i te pae no te mau tauihaa faanehenehe hamanihia i te pârau – Tahiti ;
- **Fiorine CHONG**, hamani i te mau tauihaa faanehenehe, àravahi i te pae no te puru haari – Tahiti ;
- **Rava RAY**, Rima î àravahi e tià faaineine, *Ìhi rima î maòhi*, àravahi i te pae o te *tifaifai*.

Ua titauhia mai te feia rima î no te faanaho atu i te tahi faaiteitèraa e hoo hoo atoà i roto i te hotera, a tià atu ai i te mau râtere e mataitài i te âanoraa no te àravahi o te feia rima î i roto i to ratou rauraa o to ratou paari e te mau òhipa atoà no roto mai i na taha motu e pae no Porinetia nei. A taa noa atu ai te faaiteitèraa, e faanaho atoàhia te mau rautiraa e faaànaàntaeraa, na roto :

- Te mau vahi haapiipiiraa i te òhipa rima î : a tià atu i te feia e faaò mai i te rave roa atu i ta ratou tauihaa i hamani ;
- Te tahi mau faaiteitèraa i te àravahi e te paari ma te faaite atoà i te mau tuhaa atoà i roto i te hamaniraa i te tahi tauihaa rima î .

E riro teie faanahoraa ei raveà na te feia rima î eno te faatianiraa i te mau taha motu no Porinetia nei na roto atu i to ratou ìte e to ratou àravahi.

Faaiteitèraa Rima Î i te mau vahi mataitàiraa o te Heiva Tuàro Nui i Atimaono e i Paòfai

I roto i te aratairaa no te mau tataùraa Horue no te Heiva Tuàro Nui e tupu mai te 27 tiurai e tae atu 5 atete 2024 i Teahupoo, ua titauhia te Piha Òhipa no te Rima Î e te Tomite Tuàro Nui , ia horoà i te tahi tapura no te mau vahi òhiparaa tâhinu noa e te tahi mau vahi faaiteitèraa horuee hoo hooraa i roto i te mau vahi mataitàiraa i Atimaono e i Paòfai.

Hau atu i te piti ahuru vahi haapiipiiraa i te rima î e rautihia na te feia rima î 10 ôpèrehia i roto i na vehi mataitàiraa i te mau tataùraa o te Heiva Tuàro Nui. E tià i te nahoà taata e faaò atu i roto i te mau haapiipiiraa ma te faaòhipa i te mau pûpû, i te pae òre, te niàu, peini i te pareu, e aore ia haapii i te rave i te tifaifai.

No te reira tuhaa òhipa titauhia te feia mataitài ia haere atu i te mau vahi i faataahia, 10 taata i te vahi tatai-tahi.

I pihaiho i teie mau tereraa òhipa , te vai atoà ra te faaiteitèraa e hoo hooraa i te mau tauihaa e taoà hamanihia i raro aè i te fare ìe. Ua rau te mau tauihaa o ta te feia rima î e faaiteite mai, mai te ôini, te tâhirihiri, te pareu, te mau taoà faanehenhe, e te mau tauihaa nanaòhia, e e moni tano noa.



GOUVERNEMENT
DE LA POLYNÉSIE FRANÇAISE

Te âvariraa no te vahi mataitàiraa no Atimaono, ua faanahohia ia no te mahana pae 26 tiurai 2024 i te hora 8h30 i te poiòi.

Te mau hora ìritiraa faataahia no te nunaa :

- I Atimaono Papra : Mai te 26 – 29 tiurai mai te 9h -15h e te 30 tiurai mai te 9h- 14h.
- I Paòfai : mai te 31 tiurai – 3 atete mai te 9h – 15h e te 4 atete mai te 9h – 12h.

Te faahuàhuàraa no te tereraa òhipa tei nià ia i te reni nati reva : **www.artisanat.pf**

SERVICE DE LA COMMUNICATION
